

## **Universitätsbibliothek Paderborn**

**Ioannis S. R. E. Cardinalis Bona Opera Omnia**

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae  
Christiana. III. Manuductio ad Coelum. IV. Via Compendii ad Deum. V. De  
Sacrificio Missae. VI. De Discretione Spirituum ... Operum Eminentiss.  
Cardinalis, Tom. I

**Bona, Giovanni**

**Parisiis, 1677**

§. 8. De quotidiana virtutum exercitatione

**urn:nbn:de:hbz:466:1-9969**

tibi. 19. *Vt lucrer indulgentias talirei annexas.* 20. *Vt bonam mortem obtineam.* 21. *Vt tale beneficium, quod peto à te, impetrem.* 22. *Vt tibi magis placeam, & accuratiū serviam.* 23. *Vt Ecclesiæ, vel superiori hoc præcipienti obediam.* 24. *Vt pro peccatis meis fatisfaciam.* 25. *Vt meum in te amorem augeam.* 26. *Vt contra diaboli tentationes & insidias muniar.* 27. *Vt aliquid patiar pro amore tuo.* 28. *Vt ad sanctissimum Eucharistiæ Sacramentum dignè suscipiendum me præparem.* 29. *Vt proximum meum adjuvem, & ædificem.* 30. *Vt ad intimam tecum unionem me disponam.*

**VII.** Plures intentiones sigillatim suggeret cuiusque operis natura, & circumstantiæ. Non omnes autem, quæ supra descriptæ sunt in omnibus haberi debent, aut possunt; sed illæ quæ magis unicuique operationi congrue videbuntur. Vesperè in fine examinis considera diem, & opera abiisse, & quanta cor tuum lætitia perfundetur, si ea fecisses pura intentione. Opta igitur omnia te fecisse ad majorem Dei gloriam, renova propositum reæ intentionis, & die sequenti eam sæpe restaura, manœ præsertim ante sacrum, ad cujusvis laboris & actionis initium, ad horas singulas, & ante somnum. Res ista facillima est, & in tua potestate posita: quid enim facilius, quam mente ad Deum elevata dicere: Hoc propter te Domine, ad gloriam tuam? Parva res est, sed ingens meritorum cumulus ab ea pendet; & si eam omiseris, quamvis multa agas, nihil egisti. Sine mercede est labor, qui caret recta intentione.

#### §. VIII. *De quotidiana virtutum Exercitatione.*

**D**E virtutum excellentia, utilitate, jocunditate, & necessitate non est hic differendi locus; sed quia omnis earum laus in actione consistit, industrias aliquot, & documenta tradam pro quotidiano ipsarummet usu, & exercitatione.

1. Illarum virtutum acquisitioni primo incumbere de-

bes, quarum usus frequentior est, & quæ magis statutu  
tuo convenient. Semel autem electa virtute, cuius studio  
insistere vis, ejus naturam, conditionem, actus, & gra-  
dus, excellentiam quoque, commoda, & necessitatem  
prænoscere oportet. Magnum deinde desiderium exci-  
tandum est, quod te ejus capacem efficiat, & alacrem  
reddat ad superandas difficultates. Tum sedulò expen-  
dendum quanta sit contrarii vitii fœditas, quæ afferat  
damna, quantum Deo displiceat, quantum te dedebeat,  
quantum statui tuo ac fini aduersetur. Id verò perficies  
instituta hac de re meditatione, & quia virtus non partus  
corruptæ naturæ, sed opus est divinæ gratiæ; in solo  
Deo fiduciam pones, & ab eo auxilium continua & fer-  
venti oratione postulabis.

11. Quia habitus virtutum ex sâpe repetitis actibus  
generantur, & crescunt, magni refert singulas separatim  
aggrederi, unamquamque per aliquot dies, ejusque actus  
in quotidianis functionibus nulla prætermissa opportuni-  
tate exercere; imo in omnibus ea occasio quærenda est,  
quia diligentibus Deum omnia cooperantur in bonum.  
Adferenda etiam ad excolendam virtutem constans, &  
generosa voluntas, quæ nunquam à bono proposito resi-  
liat; quæ contra humanam instabilitatem viriliter pugnet;  
nec sinat se à virtutis difficultate, & opposita consuetudi-  
ne, ac itineris molestia à cursu retrahi, & à virtute re-  
pelli. Non enim qui cœperit, sed qui perseveraverit,  
coronabitur.

111. Potissima ratio veræ, solidæque virtutis compa-  
randæ, est ad Christum Dominum respicere tanquam  
ad perfectissimum exemplar, & serio animadvertere  
quomodo eam docuerit verbo & exemplo, quomodo  
ejus actus exercuerit, qua intentione, & devotione. Con-  
sidera quid ille egerit, & passus sit, ut ad serium ejus stu-  
dium te incitaret, & gratiam tibi necessariam impetraret.  
Et quia hætenus tam benigni Redemptoris amorem ne-  
glexisti, excita in te dolorem & zelum proficiendi, eum-

que imitandi. Attende quoque Sanctorum exempla, & ea sequi propone, adhibito ad stimulum examine particuliari & frumentibus precatiunculis, quibus gratiani proficiendi à Deo petas per eorum intercessionem.

i v. Pro mensura gratiae tibi à Deo concessæ satage actus virtutis internos, & externos in singulos dies intensiores elicere. Tam in progressu, quam in principio ipsorum, perfectissimè quantum potes, eos exerce, non ex arida consuetudine, sed novo semper fervore, purissimè quoad intentionem, intensissimè quoad conatum, & constantissimè numquam ab eis cessando, quæcumque ingruant adversitates, & impedimenta. Auctibus vero extensis semper internos adjunge, quia ab istis illorum bonitas pendet. Sit stabile in te & insatiabile proficiendi desiderium, quo te offeras Deo ad actus etiam virtutis insigniores, tuasque vires longè excedentes, ad ardua quæque pro Dei amore perpetranda, si per vires liceret. Bonam enim voluntatem Deus coronat, ubi deest facultas.

v. Omnem adhibe conatum, ut virtus quam exerces, sit vera, solida, perfecta. Vera inquam, non ficta, non simulata, qua per hypocrismum alios decipias, vel qua ipse decipiari, vitium pro virtute amplectens. Solida, quæ constanter, & cum victoria permaneat adversus diaboli insidias & tentationes: quæ non quacumque aura circumferatur, nec puerili cuidam fervori, sed altis radicibus innixa sit: quæ speciem externam, & pompam fugiat, & extrinseca naturæ dona non pluris æstimet quam valeant. Perfecta, id est omnibus imbuta conditionibus, quæ ad eam necessariæ sunt, ex præscripto & norma cœlestis atque infusæ prudentiæ: ut id nimirum quod proprium & intimum est in quacumque virtute, secteris, ex certo consilio & electione, non temerè, aut ex quodam impetu & impulsu naturæ; nec quodam quasi extrinseco ornatu contentus sis, sed ad summum virtutis gradum semper aspires, juxta exemplum quod à sanctis viuis, & à Christo Domino in eo genere relictum est. Per-

fecta denique erit virtus, si cum cæterarum omnium societate, & usu conjuncta fuerit.

v i. Indicia jam in anima genitæ & obtentæ virtutis, hæc præcipue sunt. Si vitium virtuti oppositum, aut omnino extinctum, aut magna ex parte compressum sit: si passionibus, & pravis affectionibus sub rationis imperio jam frænum imposueris, si in exercendis virtutis actibus nullam amplius difficultatem sentias: si continuo proficiendi desiderio flagres: si dicta tepidorum contemnens, bona opera in te ipso serues abscondita; Dei & conscientiæ testimonio contentus: si vitam denique non temere, & ex usu instituas, sed ex præscripto rationis, & prudentiæ extra semitas solidæ, & masculæ virtutis nullatenus declinando.

§. IX. *Protestationes ad Deum sapienter renovandæ.*

**I**N conspectu divinæ Majestatis tuæ, omnipotens Deus, ac torius curiæ cœlestis, ego miserabilis creatura, & indignissimus peccator, considerans, & volvens animo infinitam bonitatem, & misericordiam tuam, qua dignatus es de me ab æterno tam amanter cogitare, & in tempore creare ad imaginem & similitudinem tuam, & quando venit plenitudo temporis, redimere me sanguine unigeniti Filii tui, toties mihi parcere, & quotidie peccantem benignè tolerare usque ad diem hanc, expectans me ad pœnitentiam post tot iniquitates & scelera mea: itemque considerans me tam fœdè violasse fidem in baptisme datam; toto corde & spiritu ante thronum justitiae tuæ prostratus me reum ultrò confiteor læsæ Majestatis divinæ, reum mortis & passionis Jesu Christi Filii tui, ac propterea æternis suppliciis cum rebellibus Angelis puniendum. Sed postea convertens me ad thronum misericordiæ tuæ, quoniam benignus, & misericors es, & præstabilis super malitia, omnia peccata mea omnium verè pœnitentium affectu detestans, & de his dolens, ac veniam humiliter petens per merita passionis Domini mei Jesu Christi, quibus innitor, professionem si-